

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), Vlada Zeničko-dobojskog kantona, na 32. sjednici, održanoj 29.10.2015. godine, d o n o s i:

## ZAKLJUČAK

### I.

Prihvata se Informacija o prometu sekundarnih sirovina u vezi sa krivičnim djelima teška krađa i oštećenje tuđe stvari.

### II.

Zadužuju se Ministarstvo unutrašnjih poslova, Ministarstvo za prostorno uređenje, promet i komunikacije i zaštitu okoline, Ministarstvo za privredu i Kantonalna uprava za inspekcijske poslove da preduzmu mjere i radnje iz svoje nadležnosti navedene u tački IV ove Informacije.

### III.

Zaključak stupa na snagu danom donošenja.

Broj: 02-\_\_\_\_\_/15.

Datum, 29.10.2015. godine

Zenica

**PREMIJER**

*Miralem Galijašević*

DOSTAVLJENO:

1x Stručna sužba Vlade,

1x Ministarstvo unutrašnjih poslova

1x Ministarstvo za prostorno uređenje, promet i komunikacije i zaštitu okoline ,

1x Ministarstvo za privredu,

1x Kantonalna uprava za inspekcijske poslove,

1x a/a.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO UNUTRAŠNJIH POSLOVA  
MINISTARSTVO UNUTARNJIH POSLOVA  
Z E N I C A**

***INFORMACIJA***  
***o prometu sekundarnih sirovina u vezi sa krivičnim djelima***  
***teška krađa i oštećenje tuđe stvari***

*Zenica, oktobar 2015. godine*

## 1. Uvod

Analizirajući krivična djela za posljednje tri godine i prvih devet mjeseci tekuće godine, uočena je sve češća pojava krivičnih djela "teške krađe" i "otuđenje tuđe stvari" na štetu javnih preduzeća, u prvom redu "Elektroprivrede BiH", "BH Telecoma" i "Željeznica FBiH".

Kriminalističkom obradom navedenih krivičnih djela utvrđeno je da su izvršioци otuđene predmete uglavnom prodavali na otkupnim stanicama sekundarnih sirovina, s obzirom da se najčešće radi o obojenim metalima (bakar, aluminij, mesing i dr.), pričinivši tom prilikom direktnu materijalnu štetu u iznosu od oko 840.000,00 KM.

Nije rijedak slučaj da su izvršioци krivičnih djela predmete koje su otuđili na području Zeničko-dobojskog kantona prodavali na otkupnim stanicama sekundarnih sirovina na području drugih kantona i obrnuto, što otežava dokazivanje i otkrivanje izvršioца krivičnih djela.

Iz ovog proističe da je indirektna materijalna šteta vjerovatno znatno veća, jer je otuđenje predmeta sa objekata i postrojenja navedenih javnih preduzeća za posledicu imalo prekide u napajanju električnom energijom stanovništva i privrednih subjekata, prekide u telekomunikacijama, kao i prekide u odvijanju željezničkog saobraćaja.

## 2. Analiza trenutnog stanja u oblasti prometa sekundarnih sirovina

Uvidom u stanje na terenu, utvrđeno je da su počinioci navedenih krivičnih djela neselektivno birali objekte i postrojenja pomenutih javnih preduzeća na području cijelog kantona, da krivična djela traju u kontinuitetu, te da imaju tendenciju porasta, a što se vidi iz narednog tabelarnog prikaza:

<b>Krivična djela počinjena na području MUP-a ZDK za period 1.1. 2012.god - 31.12.2014. godine, a na štetu : JP "Elektroprivreda BiH", podružnica "Elektrodistribucija " Zenica, JP "BH Telecom", JP" Željeznice FBiH"</b>											
<b>MUP ZDK</b>		<b>2012 g.</b>		<b>2013. g.</b>		<b>2014.g.</b>		<b>ukupno</b>		<b>rasvijetljeno</b>	
	Elektro-privreda	22		37		30		89		23	
	BH Telecom	30	99	27	134	23	100	80	333	26	78
	Željeznice FBiH	47		70		47		164		29	

**Krivična djela počinjena na području MUP-a ZDK  
za period 01.01. 2015.god - 30.09.2015. godine, a na štetu :  
JP "Elektroprivreda BiH", podružnica "Elektrodistribucija " Zenica,  
JP "BH Telecom",  
JP" Željeznice FBiH"**

		ukupno	rasvijetljeno
<b>MUP ZDK</b>	JP"Elektroprivreda "	23	13
	JP "BH Telecom"	13	
	JP" Željeznice FBiH"	31	

Policijski službenici MUP-a Zeničko-dobojskog kantona su postupali po prijavama o izvršenim krivičnim djelima, te dalje postupali u skladu sa svojim ovlaštenjima. U svakom prijavljenom slučaju izvršeni su uviđaji i sva potrebna vještačenja, preduzimane su mjere i radnje na dokumentovanju prijavljenih krivičnih djela i otkrivanju izvršioca, te su Kantonalnom tužilaštvu Zenica dostavljeni izvještaji protiv određenog broja osoba.

Otkrivanje i dokazivanje navedenih krivičnih djela je otežano iz nekoliko razloga. Kao prvo, od trenutka izvršenja krivičnog djela do njegove prijave nadležnoj policijskoj stanici uglavnom prođe dosta vremena jer su objekti na kojima je izvršeno krivično djelo (repetitori, dalekovodi i dr.) najčešće udaljeni od naseljenih mjesta. Objekti i oprema pomenutih preduzeća često nemaju videonadzor niti fizičko obezbjeđenje, što bi uveliko doprinjelo smanjenju broja izvršenih krivičnih djela.

Pored toga, na stanicama za otkup sekundarnih sirovina, gdje se prodaju otuđeni predmeti, ne vode se uredne ili nikakve evidencije o porijeklu otkupljenih predmeta, kao i o osobama od kojih su otkupljeni. Poseban problem predstavljaju stanice za otkup sekundarnih sirovina koje nemaju registrovanu djelatnost, te samim tim nemaju nikakve evidencije o porijeklu robe, niti podatke o osobama koje su izvršile prodaju otuđenih predmeta.

Prema podacima Ministarstva unutrašnjih poslova, na području Zeničko-dobojskog kantona registrovano je 29 stanica za otkup sekundarnih sirovina. Informacije dostavljene sa terena ukazuju da se ovom djelatnošću bave još 24 stanice koje nisu registrovane, te samim tim nemaju nikakve evidencije o porijeklu robe, niti podatke o osobama koje su izvršile prodaju otuđenih predmeta.

*Pregled stanica za otkup sekundarnih sirovina prema teritorijalnoj nadležnosti policijskih stanica*

PODRUČJE	Otkupne stanice koje imaju registrovanu djelatnost	Otkupne stanice koje nemaju registrovanu djelatnost
PS Centar	8	7
PS Crkvice	2	1
PS Nemila	-	3
PS Visoko	4	4
PS Kakanj	2	1
PS Breza	-	3
PS Zavidovići	3	2
PS Maglaj	1	1
PS Žepče	4	-
PS Tešanj	5	-
PS Usora	-	-
PS Doboju Jug	-	-
PS Olovo	-	1
PS Vareš	-	1
<b>UKUPNO</b>	<b>29</b>	<b>24</b>
		<b>53</b>

### 3. Pravni okvir i kaznene odredbe

Zakon o prikupljanju, proizvodnji i prometu sekundarnih sirovina i otpadnih materijala ("Službene novine FBiH", broj: 35/98 i 109/12), Pravilnik o uslovima tehničke opremljenosti poslovnih prostora za obavljanje djelatnosti ("Službene novine FBiH", broj:3/00) i Uredba o načinu prikupljanja, odlaganja, razvrstavanja i obavljanja otkupa otpadnih materijala ("Službene novine Zeničko-dobojskog kantona", broj:6/09), regulišu i uređuju prava, obaveze i odgovornosti pravnih i fizičkih osoba koje se bave ovom djelatnošću.

Zakon o prikupljanju, proizvodnji i prometu sekundarnih sirovina i otpadnih materijala FBiH (član 14.) sadrži kaznene odredbe, koje predviđaju novčane kazne u iznosu od 3.000,00 do 15.000,00 za privredno društvo ili druge pravne osobe za počinjene prekršaje iz ove oblasti, za odgovorne osobe u privrednom društvu su predviđene novčane kazne u iznosu od 1.000,00 do 3.000,00 KM, dok su za fizičke osobe predviđene novčane kazne u iznosu od 300,00 do 1.500,00 KM.

Sastavni dokumenti Uredbe o načinu prikupljanja, odlaganja, razvrstavanja i obavljanja otkupa otpadnih materijala su obrasci ZDK-OD 1, ZDK-OD-2, ZDK PD-1 i ZDK PD-2 (član 10.), koji obavezuju pravna i fizička lica koja se bave otkupom, prodajom i transportom otpadnih materijala da dnevno i mjesečno iste popunjavaju. Obrasci sadrže: ime i prezime/firma donosioca otpadnih materijala, ime i prezime/firma kupca otpadnih

materijala, porijeklo otpadnih materijala koji se otkupljuju/prodaju, osnovni podaci o otpadnim materijalima, količini, cijeni, te druge podatke bitne za valjanost otkupa, odnosno prodaje.

#### **4. Zaključak sa prijedlogom mjera i radnji**

Nakon što je ovo Ministarstvo, sa aspekta svojih nadležnosti, sačinilo analizu navedene problematike, predlažemo da svako iz svog resora djelovanja poduzme odgovarajuće aktivnosti. Mišljenja smo da je, prije svega, potrebno detaljno sagledati postojeće stanje i predlažemo sljedeće:

- Zadužiti Kantonalnu upravu za inspekcijske poslove da na osnovu Informacije poduzme mjere i radnje iz svoje nadležnosti, sa akcentom na kontroli i nadzoru nad stanicama sekundarnih sirovina koje nemaju registrovanu djelatnost.

- Pokrenuti inicijativu da se izvrši dopuna Uredbe o načinu prikupljanja, odlaganja, razvrstavanja i obavljanja otkupa otpadnih materijala ("Službene novine Zeničko-dobojskog kantona", broj: 6/09) i analizira Zakon o komunalnim djelatnostima Zeničko-dobojskog kantona ("Službene novine Zeničko-dobojskog kantona", broj: 17/08) u smislu da se u iste uvrsti zabrana odlaganja, skladištenje i prikupljanje otpadnih materijala u privatnim dvorištima, kao i na javnim površinama. Uz navedenu dopunu bi bilo potrebno predložiti i sankcije, novčane kazne i iziricanje zaštitnih mjera oduzimanja zatečenog otpadnog materijala.

- Članom 10. Uredbe o načinu prikupljanja, odlaganja, razvrstavanja i obavljanja otkupa otpadnih materijala Zeničko-dobojskog kantona regulisani su otkupni i prodajni dokumenti ZDK-OD 1, ZDK-OD-2, ZDK PD-1 i ZDK PD-2. Procedura otkupa sekundarnih sirovina može se unaprijediti u smislu detaljnijeg opisa u obrascu (dnevnom listu otpadnog materijala), utvrđivanja porijekla predmeta koji se otkupljuju (da li se radi o predmetima koji mogu poticati iz domaćinstva, industrije i sl.), konkretizacije vrste i naziva otpadnog materijala, potpune identifikacije osobe koja vrši prodaju, te vođenja uredne evidencije.

Broj: 08-02/2\_\_\_\_\_/15

Dana: 16.10.2015. godine.

**MINISTAR**

**Hajrudin Žilić**